



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO FEDERACIJE BOSNE I HERCEGOVINE

UPUTSTVO
ZA POPUNJAVANJE IZVJEŠTAJNIH OBRAZACA
ZA VELIKE IZLOŽENOSTI

Sarajevo, decembar / prosinac 2017. godine

SADRŽAJ:

DIO I: OPŠTE UPUTSTVO	3
1. Struktura i pravila.....	3
DIO II.: UPUTSTVO ZA OBRASCE.....	3
1. Obim i nivo izvještavanja LE	3
2. Struktura obrasca LE	4
3. Definicije i opšte uputstvo za potrebe izvještavanja LE.....	4
4. LE Ograničenja velikih izloženosti (C 26.00).....	5
4.1 Uputstvo za specifične redove.....	5
5. LE 1 – Identifikacija druge ugovorne strane (C 27.00).....	5
5.1 Uputstvo za specifične kolone	5
6. LE 2 – Izloženosti u bankarskoj knjizi i u knjizi trgovanja (C 28.00).....	6
6.1 Uputstvo za specifične kolone	6
7. LE 3 – Podaci o izloženostima prema pojedinačnim licima iz grupa povezanih lica (C 29.00) ...	12
7.1 Uputstvo za specifične kolone	12
8. BA LE Vlade - Bilansna i vanbilansna potraživanja od Vlade BiH, Vlade FBiH, Vlade RS, Vlade Brčko Distrikta.....	13

Na osnovu člana 5. stav (1) tačka h) i 23. stav (1) Zakona o Agenciji za bankarstvo Federacije Bosne i Hercegovine („Službene novine Federacije BiH“ broj: 75/17) i člana 22. stav (2) Odluke o velikim izloženostima („Službene novine Federacije BiH“ broj: 81/17), direktor Agencije za bankarstvo Federacije Bosne i Hercegovine dana 22.12.2017. godine donosi

**UPUTSTVO
ZA POPUNJAVANJE IZVJEŠTAJNIH OBRAZACA
ZA VELIKE IZLOŽENOSTI**

DIO I: OPŠTE UPUTSTVO

1. Struktura i pravila

- 1) Izvještajni okvir za velike izloženosti (u daljem tekstu: LE) sastoji se od pet obrazaca koji su sastavni dio ovog Uputstva i to:
 - a) LE ograničenja - Ograničenja velikih izloženosti (C 26.00);
 - b) LE 1 – Identifikacija druge ugovorne strane (C 27.00);
 - c) LE 2 - Izloženosti u bankarskoj knjizi i u knjizi trgovanja (C 28.00);
 - d) LE 3 - Podaci o izloženostima prema pojedinačnim licima iz grupa povezanih lica (C29.00);
 - e) BA LE Vlade – Bilansna i vanbilansna potraživanja od Vlade BiH, Vlade FBiH, Vlade RS, Vlade Brčko Distrikta.
- 2) Uputstvo uključuje povezivanje na pravni osnov te detaljne informacije o podacima koji se iskazuju u svakom pojedinačnom obrascu.
- 3) Pri upućivanju na kolone, redove i ćelije obrazaca, uputstvo i pravila o validaciji slijede pravilo označavanja iz stavki u nastavku.
- 4) U uputstvu i pravilima o validaciji obično se upotrebljava sljedeće pravilo: (obrazac; red; kolona).
- 5) U slučaju validacije u okviru obrasca pri kojima se upotrebljavaju samo tačke podataka tog obrasca, bilješkama se ne upućuje na obrazac: (red; kolona).
- 6) APS (Vrijednost): apsolutna vrijednost bez predznaka. Svaki iznos koji utiče na povećavanje izloženosti iskazuje se kao pozitivna vrijednost. Nasuprot tome, svaki iznos kojim se umanjuju izloženosti iskazuje se kao negativna vrijednost. Ako negativan predznak (–) prethodi oznaci stavke, za taj iznos se vrši umanjenje.

DIO II.: UPUTSTVO ZA OBRASCE

1. Obim i nivo izvještavanja LE

- 1) Za izvještavanje informacija o velikim izloženostima prema licima ili grupama povezanih lica u skladu sa članom 21. Odluke o velikim izloženostima na pojedinačnoj osnovi, banka se koristi obrascima LE 1, LE 2 i LE 3.
- 2) Iskazuje se svaka velika izloženost definisana u skladu sa članom 5. Odluke o velikim izloženostima, uključujući velike izloženosti koje se ne uzimaju u obzir vezano za pridržavanje ograničenja velikih izloženosti iz člana 6. Odluke o velikim izloženostima.

3) Podaci o velikim izloženostima i relevantnim najvećim izloženostima prema grupama povezanih lica i pojedinačnim licima koje ne pripadaju grupi povezanih lica iskazuju se u obrascu LE 2 (u kojem se grupa povezanih lica iskazuje kao jedna izloženost).

4) U obrascu LE 3 banke iskazuju podatke o izloženostima prema pojedinačnim licima koje pripadaju grupama povezanih lica, a koje se iskazuju u obrascu LE 2.

Izloženost prema pojedinačnom licu iskazana u obrascu LE 2 ne smije se iskazati i u obrascu LE 3.

2. Struktura obrasca LE

5) U kolonama obrasca LE 1 navode se informacije povezane sa podacima o pojedinačnim licima ili grupama povezanih lica prema kojima banka ima izloženost.

6) U kolonama obrazaca LE 2 i LE 3 navode se sljedeće informacije:

a) vrijednost izloženosti prije primjene izuzeća i prije uzimanja u obzir efekata tehnika smanjenja kreditnog rizika, uključujući direktnu i indirektnu izloženost i dodatne izloženosti koje proizilaze iz transakcija gdje postoji izloženost prema odnosnoj imovini;

b) vrijednost izloženosti nakon primjene izuzeća i tehnika smanjenja kreditnog rizika;

c) vrijednost izloženosti nakon primjene izuzeća i nakon uzimanja u obzir efekta smanjenja kreditnog rizika izračunata za potrebe člana 6. stava (1) Odluke o velikim izloženostima.

3. Definicije i opšte uputstvo za potrebe izvještavanja LE

7) „Izloženosti” su definisane članom 3. Odluke o velikim izloženostima i odnose se na:

a) bilo koju imovinu ili vanbilansnu stavku u bankarskoj knjizi i u knjizi trgovanja uključujući stavke iz člana 11. Odluke o velikim izloženostima, ali isključujući stavke na koje se primjenjuje član 4. stav (6) tačke od a) do d) Odluke o velikim izloženostima.

b) „indirektne izloženosti” su izloženosti koje se raspoređuju davaocu garancije ili izdavaocu kolaterala, a ne neposrednom dužniku u skladu sa članom 13. Odluke o velikim izloženostima.

Izloženosti prema grupama povezanih lica izračunavaju se u skladu sa članom 4. stavom (5) Odluke o velikim izloženostima.

8) Vrijednost izloženosti finansijskih derivata iz Priloga II. Odluke o izračunavanju kapitala banke utvrđuje se u skladu sa članovima 45., 46. i 47. Odluke o izračunavanju kapitala banke. Vrijednost izloženosti repo transakcije, transakcija pozajmljivanja vrijednosnih papira ili robe drugoj ugovornoj strani ili od druge ugovorne strane, transakcija sa dugim rokom namirenja i maržnih kredita može se odrediti u skladu sa dijelom V Odluke o izračunavanju kapitala banke koji se odnosi na tehnike smanjenja kreditnog rizika (u daljem tekstu: CRM tehnike).

9) Iznosi u obrascima iskazuju se u 000 KM na odgovarajući datum finansijskog izvještavanja.

4. LE Ograničenja velikih izloženosti (C 26.00)

4.1 Uputstvo za specifične redove

Red	Pravna osnova i uputstvo
010	Iznos priznatog kapitala banke Iskazuje se iznos regulatornog kapitala (priznati kapital) koji predstavlja zbir osnovnog i dopunskog kapitala nakon regulatornih usklađivanja, pri čemu dopunski kapital ne može biti veći od jedne trećine osnovnog kapitala.
020	25% od priznatog kapitala banke Član 6. stav (1) Odluke o velikim izloženostima Iskazuje se iznos ograničenja koje se primjenjuje na druge ugovorne strane. Taj iznos iznosi 25% od iznosa priznatog kapitala banke.

5. LE 1 – Identifikacija druge ugovorne strane (C 27.00)

5.1 Uputstvo za specifične kolone

Kolona	Pravna osnova i uputstvo
010 - 070	Identifikacija druge ugovorne strane: Banka dostavlja podatke o svakoj drugoj ugovornoj strani za koju se dostavljaju informacije u bilo kojem od obrazaca C 28.00 i C 29.00. Podaci o grupi povezanih lica iskazuje se šifrnikom koji je banka usvojila. U skladu sa članom 21. stavom (1) tačkom a) Odluke o velikim izloženostima, banka dostavlja podatke o drugoj ugovornoj strani prema kojoj imaju veliku izloženost u skladu sa definicijom iz člana 5. Odluke o velikim izloženostima.
010	Oznaka Oznaka je identifikator reda i mora biti jedinstvena za svaki red u obrascu. Oznaka se upotrebljava za identifikaciju grupe povezanih lica kao druge ugovorne strane. Međutim, svrha ove kolone je povezati podatke o drugoj ugovornoj strani u C 27.00 sa izloženostima iskazanim u C 28.00 i C 29.00. Oznake se upotrebljavaju dosljedno cijelo vrijeme. Podaci o grupi povezanih lica iskazuje se šifrnikom koji je banka usvojila i koji je banka dužna dostaviti Agenciji.

020	<p>Naziv</p> <p>Naziv je jednak nazivu grupe uvijek kada se iskazuje grupa povezanih lica. U svim ostalim slučajevima naziv odgovara pojedinačnoj drugoj ugovornoj strani.</p> <p>Za grupu povezanih lica, naziv koji se navodi je naziv matičnog društva ili u slučaju kada grupa povezanih lica nema matično društvo, navodi se naziv nosioca grupe ili naziv druge ugovorne strane.</p>
030	<p>Oznaka LEI (legal entity identifier)</p> <p>Identifikaciona oznaka druge ugovorne strane, koja može biti JIB ili matični broj ili broj nekog drugog identifikacionog dokumenta.</p>
040	<p>Sjedište druge ugovorne strane</p> <p>U ovoj koloni banka navodi boravište/ sjedište druge ugovorne strane u skladu sa rješenjem o osnivanju pravnog lica, a za fizička lica prema potvrdi o boravištu.</p> <p>Za grupe povezanih lica, sjedište se ne iskazuje.</p>
050	<p>Sektor druge ugovorne strane</p> <p>Svakoj drugoj ugovornoj strani dodjeljuje se jedan sektor na osnovu sektorske strukture iz izvještaja o sektorskoj strukturi kredita</p> <p>Za grupe povezanih lica, sektor se ne iskazuje.</p>
060	<p>Šifra djelatnosti NACE</p> <p>Za privredni sektor, upotrebljavaju se šifre djelatnosti iz Klasifikacije djelatnosti BiH Federalnog zavoda za statistiku.</p> <p>Za grupe povezanih lica, šifra djelatnosti NACE ne iskazuje se.</p>
070	<p>Vrsta druge ugovorne strane</p> <p>n/a</p>

6. LE 2 – Izloženosti u bankarskoj knjizi i u knjizi trgovanja (C 28.00)

6.1 Uputstvo za specifične kolone

Kolona	Pravna osnova i uputstvo
010	<p>Oznaka</p> <p>Oznaka se upotrebljava za identifikaciju grupe povezanih lica kao druge ugovorne strane.</p> <p>Oznake se upotrebljavaju dosljedno cijelo vrijeme.</p>
020	<p>Grupa ili pojedinac</p>

	<p>Banka navodi „1” za izvještavanje o izloženostima prema pojedinačnim licima ili „2” za izvještavanje o izloženostima prema grupi povezanih lica.</p>
030	<p>Transakcije gdje postoji izloženost prema odnosnoj imovini</p> <p>Član 4. stav (7) Odluke o velikim izloženostima</p> <p>Kada banka ima izloženosti prema drugoj ugovornoj strani za koju se iskazuju podaci na osnovu transakcije u kojima postoji izloženost prema odnosnoj imovini, navodi se ekvivalent odgovoru „Da”; u suprotnom slučaju navodi se ekvivalent odgovoru „Ne”.</p>
040 - 180	<p>Incijalne izloženosti</p> <p>Članovi 3., 4. i 5. Odluke o velikim izloženostima.</p> <p>U ovoj grupi kolona, banka iskazuje incijalne izloženosti direktnih izloženosti, indirektnih izloženosti i dodatne izloženosti koje proizilaze iz transakcija u kojima postoji izloženost prema odnosnoj imovini.</p> <p>U skladu sa članom 3. Odluke o velikim izloženostima, bilansne i vanbilansne stavke upotrebljavaju se bez pondera rizika i stepena kreditnog kvaliteta. Kreditni faktori konverzije ne primjenjuju se na vanbilansne stavke.</p> <p>Ove kolone sadržavaju incijalnu izloženost, odnosno vrijednost izloženosti bez uzimanja u obzir vrijednosnih usklađenja i rezervacija koje se odbijaju u koloni 210.</p> <p>Definicija i izračunavanje vrijednosti izloženosti navode se u članovima 3. i 4. Odluke o velikim izloženostima. Vrednovanje imovine i vanbilansnih stavki provodi se u skladu sa primjenjivim računovodstvenim okvirom koji se primjenjuje na banku.</p> <p>Izloženosti koje predstavljaju odbitnu stavku od regulatornog kapitala, a koje nisu izloženosti u skladu sa članom 4. stavom (6) tačkom e) Odluke o velikim izloženostima uključuju se u te kolone. Te se izloženosti odbijaju u koloni 200.</p> <p>Izloženosti iz člana 4. stava (6) tačaka od a) do d) Odluke o velikim izloženostima ne uključuju se u te kolone.</p> <p>Incijalne izloženosti uključuju sve stavke imovine i vanbilansne stavke u skladu sa članom 11. Odluke o velikim izloženostima. Izuzeci se odbijaju za potrebe člana 6. stava (1) Odluke o velikim izloženostima u koloni 320.</p> <p>Uključuju se izloženosti iz bankarske knjige i knjige trgovanja.</p>
040	<p>Ukupna inicijalna izloženost</p> <p>Banka iskazuje zbir direktnih i indirektnih izloženosti, te dodatne izloženosti koje proizilaze iz izloženosti transakcijama u kojima postoji izloženost prema odnosnoj imovini.</p>
050	<p>Od čega: u statusu neizmirenja obaveza</p> <p>Član 61. Odluke o izračunavanju kapitala banke.</p> <p>Banka iskazuje onaj dio ukupne incijalne izloženosti koji je jednak izloženostima sa statusom neizmirenja obaveza.</p>
	<p>Direktne izloženosti</p>

060 - 110	Direktne izloženosti znači izloženosti prema neposrednom dužniku.
060	<p>Dužnički instrumenti</p> <p>Dužnički instrumenti uključuju dužničke vrijednosne papire, kredite i avanse.</p> <p>Instrumenti uključeni u ovoj koloni su oni koji ispunjavaju uslove za „kredite sa inicijalnim dospijecem do i uključujući jednu godinu/ iznad jedne godine i do i uključujući pet godina/ iznad pet godina”, ili za „vrijednosne papire osim dionica”.</p> <p>Repo transakcije, transakcije pozajmljivanja vrijednosnih papira ili robe drugoj ugovornoj strani ili od druge ugovorne strane (transakcije finansiranja vrijednosnih papira) i maržni krediti uključuju se u ovoj koloni.</p>
070	<p>Vlasnički instrumenti</p> <p>Instrumenti uključeni u ovoj koloni su oni koji ispunjavaju uslove za „Dionice i ostale udjele” ili za „Dionice/ udjele u novčanim fondovima”.</p>
080	<p>Finansijski derivati</p> <p>Član 2. tačka ss) i Prilog II Odluke o izračunavanju kapitala banke.</p> <p>Instrumenti koji se iskazuju u ovoj koloni uključuju finansijske derivate iz Priloga II Odluke o izračunavanju kapitala banke i transakcije sa dugim rokom namirenja iz člana 2. tačke ss). Odluke o izračunavanju kapitala banke.</p>
090 - 110	<p>Vanbilansne stavke</p> <p>Prilog I. Odluke o izračunavanju kapitala banke.</p> <p>Vrijednost koja se iskazuje u ovim kolonama je knjigovodstvena vrijednost prije svakog umanjenja za rezervisanja po gubicima za vanbilansne stavke i bez primjene faktora konverzije.</p>
090	<p>Preuzete obaveze po kreditima</p> <p>Prilog I. tačke 1. (c), 2. (b) 2), 3. (b) 1) i 4. (a) Odluke o izračunavanju kapitala banke.</p> <p>Preuzete obaveze po kreditima su čvrste obaveze pružanja kredita pod prethodno definisanim uslovima osim onih koji su derivati, jer se one mogu namiriti u neto gotovinskom iznosu ili isporukom ili izdavanjem drugog finansijskog instrumenta.</p>
100	<p>Finansijske garancije</p> <p>Prilog I., tačke 1.(a) i (e) Odluke o izračunavanju kapitala banke.</p> <p>Finansijske garancije su ugovori prema kojima su izdavaoci dužni izvršiti određena plaćanja kako bi imao nadoknadili gubitak koji je nastao zbog toga što određeni dužnik nije izvršio plaćanje po dospjeću u skladu sa inicijalno ugovorenim uslovima ili izmijenjenim uslovima dužničkog instrumenta.</p>
110	<p>Ostale preuzete obaveze</p>

	Ostale preuzete obaveze su stavke iz Priloga I. Odluke o izračunavanju kapitala banke koje nisu uključene u prethodne kategorije.
120 - 180	<p>Indirektne izloženosti</p> <p>Član 13. Odluke o velikim izloženostima</p> <p>U skladu sa članom 13. Odluke o velikim izloženostima, banka može koristiti metodu zamjene ako za izloženost prema klijentu garantuju treća lica ili ako je ona obezbijedena kolateralom koji je izdala treća strana.</p> <p>U ovoj grupi kolona banka iskazuje iznose direktnih izloženosti koje se preraspoređuju izdavaocu garancije ili izdavaocu kolaterala pod uslovom da bi njemu bio dodijeljen jednak ili niži ponder rizika od pondera rizika koji bi bio primijenjen na treću stranu u skladu sa Poglavljem III, Kapitalni zahtjevi za kreditni rizik, Odluke o izračunavanju kapitala banke. Direktna izloženost odbija se od izloženosti prema inicijalnom dužniku iz kolone „Priznate tehnike smanjenja kreditnog rizika”. Indirektna izloženost povećava izloženost prema izdavaocu garancije ili izdavaocu kolaterala pomoću metode zamjene. To se primjenjuje i na garancije date unutar grupe povezanih klijenata.</p> <p>Banka iskazuje incijalni iznos indirektnih izloženosti u koloni koja odgovara vrsti direktne izloženosti koja je obezbijedena garancijom ili kolateralom kao na primjer kada je direktna izloženost obezbijedena garancijom dužničkih instrumenta. Iznos „Indirektne izloženosti” koji se dodjeljuje izdavaocu garancije iskazuje se u koloni „Dužnički instrumenti”.</p>
120	<p>Dužnički instrumenti</p> <p>Vidjeti kolonu 060.</p>
130	<p>Vlasnički instrumenti</p> <p>Vidjeti kolonu 070.</p>
140	<p>Finansijski Derivati</p> <p>Vidjeti kolonu 080.</p>
150 - 170	<p>Vanbilansne stavke</p> <p>Vrijednost koja se iskazuje u ovim kolonama je knjigovodstvena vrijednost prije svakog umanjenja rezervisanja po gubicima za vanbilansne stavke i bez primjene faktora konverzije.</p>
150	<p>Preuzete obaveze po kreditima</p> <p>Vidjeti kolonu 090.</p>
160	<p>Finansijske garancije</p> <p>Vidjeti kolonu 100.</p>
170	<p>Ostale preuzete obaveze</p>

	Vidjeti kolonu 110.
180	<p>Dodatne izloženosti koje proizilaze iz transakcija gdje postoji izloženost prema odnosnoj imovini</p> <p>Član 4. stav (7) Odluke o velikim izloženostima</p> <p>Dodatne izloženosti koje proizilaze iz transakcija gdje postoji izloženost prema odnosnoj imovini.</p>
190	<p>(-) Vrijednosna usklađenja i rezervisanja</p> <p>Članovi 5. stav (3), i 44. Odluke o izračunavanju kapitala banke.</p> <p>Vrijednosna usklađenja i rezervacije za bruto izloženost iz kolone 040 iskazuju se u ovoj koloni.</p>
200	<p>(-) Izloženosti koje predstavljaju odbitnu stavku od regulatornog kapitala</p> <p>Član 4. stav (6) tačka e) Odluke o velikim izloženostima.</p> <p>Iskazuju se izloženosti koje predstavljaju odbitnu stavku od regulatornog kapitala, a koje se uključuju u različite kolone Ukupne incijalne izloženosti.</p>
210 - 230	<p>Vrijednost izloženosti prije primjene izuzeća i CRM-a tehnika</p> <p>Član 21. stav (1) tačka b) Odluke o velikim izloženostima.</p> <p>Banka iskazuju vrijednost izloženosti prije uzimanja u obzir efekata smanjenja kreditnog rizika, ako je to primjeljivo.</p>
210	<p>Ukupno</p> <p>Vrijednost izloženosti koja se treba iskazati u ovoj koloni jest iznos koji se upotrebljava za utvrđivanje da li je izloženost velika izloženost u skladu sa definicijom iz člana 5. Odluke o velikim izloženostima.</p> <p>To uključuje incijalnu izloženost nakon što se oduzmu vrijednosna usklađenja i rezervacije i iznos izloženosti koje predstavljaju odbitnu stavku od regulatornog kapitala.</p>
220	<p>Od čega: bankarska knjiga</p> <p>Iznos bankarske knjige iz ukupne izloženosti prije primjene izuzeća i CRM-a tehnika.</p>
230	<p>% priznatog kapitala</p> <p>Član 2. tačka e) i član 6. Odluke o velikim izloženostima.</p> <p>Iznos koji se iskazuje predstavlja postotak vrijednosti izloženosti prije primjene izuzeća i CRM-a tehnika povezanog sa priznatim kapitalom banke, kako je definisano u članu 2. tačka e) Odluke o velikim izloženostima.</p>
	(-) Priznate tehnike smanjenja kreditnog rizika (CRM)

240 - 310	<p>Članovi 10., 12. i 13. Odluke o velikim izloženostima.</p> <p>Tehnike CRM-a kako su definisane u članu 2. tački dd) Odluke o izračunavanju kapitala banke.</p> <p>Za potrebe ovog izvještavanja, tehnike CRM-a iz Poglavlja V Tehnike smanjenja kreditnog rizika (CRM), Odluke o izračunavanju kapitala banke upotrebljavaju se u skladu sa članovima 12 i 13. Odluke o velikim izloženostima. Tehnike CRM-a mogu imati dva različita efekta u režimu LE: efekat zamjene i materijalna kreditna zaštita osim efekta zamjene.</p>
240 - 290	<p>(-) Efekat zamjene priznatih tehnika smanjenja kreditnog rizika</p> <p>Član 13. Odluke o velikim izloženostima</p> <p>Iznos materijalne i nematerijalne kreditne zaštite koji se iskazuje u ovim kolonama odgovara izloženostima za koje garantuju treća lica ili koje su obezbijedene kolateralom koji su izdala treća lica, ako banka odluči tretirati tu izloženost kao izloženost prema izdavaocu garancija ili izdavaocu kolaterala.</p>
240	<p>(-) Dužnički instrumenti</p> <p>Vidjeti kolonu 060.</p>
250	<p>(-) Vlasnički instrumenti</p> <p>Vidjeti kolonu 070.</p>
260	<p>(-) Finansijski Derivati</p> <p>Vidjeti kolonu 080.</p>
270 - 290	<p>(-) Vanbilansne stavke</p> <p>Vrijednost koja se iskazuje u ovim kolonama je vrijednost bez primjene faktora konverzije.</p>
270	<p>(-) Preuzete obaveze po kreditima</p> <p>Vidjeti kolonu 090.</p>
280	<p>(-) Finansijske garancije</p> <p>Vidjeti kolonu 100.</p>
290	<p>(-) Ostale preuzete obaveze</p> <p>Vidjeti kolonu 110.</p>
300	<p>(-) Materijalna kreditna zaštita osim efekta zamjene</p> <p>Član 12. Odluke o velikim izloženostima.</p> <p>Banka iskazuje iznose materijalne kreditne zaštite, kako je definisano u članu 2. tački ee) Odluke o izračunavanju kapitala banke, koji se odbijaju od vrijednosti izloženosti zbog primjene člana 12. Odluke o velikim izloženostima.</p>

310	(-) Nekretnina n/a
320	(-) Izuzeća Član 11. Odluke o velikim izloženostima. Banka iskazuje izuzeća iz režima velikih izloženosti.
330 - 350	Vrijednost izloženosti nakon primjene izuzeća i CRM-a tehnika Član 21. stav (1) tačka d) Odluke o velikim izvještajima. Banka iskazuje vrijednost izloženosti nakon uzimanja u obzir efekata izuzeća i primjene tehnika smanjenja kreditnog rizika izračunatu za potrebe člana 6. stava (1) Odluke o velikim izloženostima.
330	Ukupno U ovoj se koloni uključuje iznos koji treba uzeti u obzir radi usklađenja sa ograničenjem velikih izloženosti iz člana 6. Odluke o velikim izloženostima.
340	Od čega: bankarska knjiga Banka iskazuje ukupnu izloženost nakon primjene izuzeća i nakon uzimanja u obzir efekata CRM-a tehnika koji pripada bankarskoj knjizi.
350	% priznatog kapitala Banka iskazuje postotak vrijednosti izloženosti nakon primjene izuzeća i CRM-a povezanih sa priznatim kapitalom banke kako je definisano u članu 2. tački e) Odluke o velikim izloženostima.

7. LE 3 – Podaci o izloženostima prema pojedinačnim licima iz grupa povezanih lica (C 29.00)

7.1 Uputstvo za specifične kolone

Kolona	Pravna osnova i uputstvo
010 - 360	U obrascu LE 3 banka iskazuje podatke o pojedinačnim licima koji pripadaju grupama povezanih lica koje su uključene u redovima obrasca LE 2.
010	Oznaka Kolone 010 i 020 složeni su identifikator reda i zajedno moraju biti jedinstveni za svaki red u obrascu. Iskazuje se oznaka pojedinačne druge ugovorne strane koja pripada grupama povezanih lica.
	Oznaka grupe

020	<p>Kolone 010 i 020 složeni su identifikator reda i zajedno moraju biti jedinstveni za svaki red u obrascu.</p> <p>Oznaka koja se iskazuje jest oznaka koja se upotrebljava za izvještavanje o izloženostima grupi povezanih lica u C 28.00 (LE 2).</p> <p>Ako lice pripada nekoliko grupa povezanih lica, ona se iskazuje kao član svih grupa povezanih lica.</p>
030	<p>Transakcije gdje postoji izloženost prema odnosnoj imovini</p> <p>Vidjeti kolonu 030 obrasca LE 2.</p>
040	<p>Vrsta povezanosti</p> <p>Vrsta povezanosti između pojedinačnog lica i grupe povezanih lica označava se pomoću:</p> <p>„a” u smislu člana 2. tačke u) Grupa povezanih lica, alineje 1) Zakona o bankama (kontrola); ili</p> <p>„b” u smislu člana 2. tačke u) Grupa povezanih lica, alineje 2) Zakona o bankama (ekonomska ili finansijska međupovezanost).</p>
050 - 360	<p>Kada se finansijski instrumenti iz obrasca LE 2 pružaju cijeloj grupi povezanih lica oni se raspoređuju pojedinačnim drugim ugovornim stranama u obrascu LE 3.</p> <p>Ostala uputstva jednaka su onima za obrazac LE 2.</p>

8. BA LE Vlade - Bilansna i vanbilansna potraživanja od Vlade BiH, Vlade FBiH, Vlade RS, Vlade Brčko Distrikta

Za izloženosti, odnosno za sva bilansna i vanbilansna potraživanja od Vlade BiH, Vlade FBiH, Vlade RS-a i Vlade Brčko distrikta ne uključuju se potraživanja od kantona, opština, gradova, fondova, razvojnih banaka, javnih preduzeća i institucija javnog sektora, izuzev potraživanja koja su obezbijeđena garancijama Vlade BiH, Vlade FBiH, Vlade RS i Vlade Brčko distrikta.

*

* *

Ovo Uputstvo stupa na snagu danom donošenja i objavljuju se na službenoj web stranici Agencije.

Broj: 01-4915/17
Sarajevo, 22.12.2017. godine

DIREKTOR
Jasmin Mahmuzić s.r.